

影印
文淵閣

四庫全書

影印

文淵閣四庫全書

第九二四冊

北京出版集團公司
北京出版社

本冊目次

錦繡萬花谷
前集 後集 續集

宋 不著撰人……………一

欽定四庫全書

子部

錦繡萬花谷前集卷一至三

詳校官中書臣張虎拜

侍讀臣孫球覆勘

總校官編修臣王燕緒

校對官編修臣陳昌齊

謄錄監生臣謝式南

欽定四庫全書

子部十一

錦繡萬花谷

類書類

提要

臣等謹案錦繡萬花谷前集四十卷後集四十卷續集四十卷不著撰人名氏前有自序題淳熙十五年十月一日蓋宋孝宗時人陳振孫書錄解題載此書作錦繡萬花谷四十卷續四十卷而無後集黃虞稷千頃堂書目

欽定四庫全書

錦繡萬花谷
提要

所載則前集後集續集外又有別集三十卷今案序中明言自九華之歸廬編成為三集每集析為四十卷可知後集為陳氏偶遺別集為後人所續增不在原編之數故明人刊本亦祇三集也序中稱命名者為烏江蕭恭父河南胡恪皆不知何許人前集之末獨附載衢州盧襄西征記一篇于體例殊不相類或撰此書者亦衢人故附載其鄉先輩之書

歟又其書既成於淳熙中而紀年類載理宗

紹定端平年號帝后誕節類載寧宗瑞慶節

理宗天基節諸名並稱理宗為今上是當時

書肆已有所附益並非淳熙原本之舊矣前

集凡二百四十五類後集凡三百二十六類續集

自一卷至十四卷凡四十六類自十五卷至

四十卷則皆類姓也所錄大抵瑣屑叢碎參

錯失倫故頗為陳振孫所譏其地理一門止

欽定四庫全書

附錄萬花谷
提要

列偏安州郡類姓一門敘事僅及數條而古

人稱號之類又創立名目博引繁稱俱不免

榛楛雜陳有乖體要特其中久經散佚之書

如職林郡閣雅談雅言系述雲林異景記之

類頗藉此以存崖略又每類後用藝文類聚

例附錄詩篇亦頗多逸章勝什為他本所不

載略其繁蕪擷其精粹未嘗不足為考證之

資也乾隆四十六年十月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

附錄萬花谷
提要

三

錦繡萬花谷序

余為童時適當戎馬蹂躪之間又居窮鄉無業儒者余獨背馳而為之文籍最為難得苟可以假鬻亦未嘗要要以盡其誠以余有書之癖每讀一篇章如小兒之於飴劑有加而不能自止當其劇時雖夜分漏盡不之覺也所患性魯無彊記之敏誦久亦漫漶而不牢先人既老又獨鷹門出入乎衡陽胥伍之中而喔咿於籬籬俯仰之際如是者數年索諸故吾子然矣其後家益貧奔

欽定四庫全書

錦繡萬花谷序

走於四方為饑寒計幸馬一溫亦若隔世人夫以窮鄉亂後假鬻之難而居衡陽奔走之中加以魯性易失則不存也固宜尚何咎哉然土炭之嗜不變於是始為晚歲之謀凡書有當存乎吾心者輒稍招還其舊而聚其旅二三年間抄益多然而鎖碎而無統又多除舍於人不得以盡隨故為風雨蟲鼠之所蝕或為人之所廢或為醬瓿之所敗不得成焉又數年抄不輟如司馬子長班范歐陽之書抄已而四五矣晚益困無以自娛復留

意於科舉之外凡古人文集佛老異書至于百家傳記醫技稗官齊諧小說荒錄怪志聞必求求必覽焉久之浩浩如也乃畧有叙又附之以唐人及國家諸公之詩自九華之歸編粗成為三集每集析為四十卷古今之事物天下之可聞可見者繁乎其有條矣夫窮達無異趣文章無異體將以經綸乎國家規恢乎功名雕繪萬物而吟詠性情若取之懷袖中彼得焉失焉有命此則不可一日缺也先是烏江蕭恭父河南胡恪聞其大槩

欽定四庫全書

錦繡萬花谷序

為余命名曰錦繡萬花谷今從其名嗟夫余之困於時也我知之矣而不敢懟雖懟而甘於此人雖我非而我自信而不輟故夫是書獨可以自娛而不可傳人蓋天下之書不可盡而余之心亦不可足以不可足之心而讀不可盡之書其抄無既其事無窮望畢如憤如而後止故於其類之間白其行者有差所以容其方來也他日子孫或能有書亦足以見吾之艱難如此淳熙十五年十月一日叙

欽定四庫全書

錦繡萬花谷前集卷一

天

九關虎豹虎豹九關啄害下人些

虎豹九關言天門九重虎豹守之出楚辭

磨蟻天圓如倚蓋地方如碁局天旁轉半在地上半在

地下日月本東行天西旋入于海章之以西如蟻行磨

上磨左旋蟻右行磨疾蟻遲蟻不得不西

出晉天文志吳王著傳

銀潢左界河漢水之精發而浮上宛轉隨流名曰天河

欽定四庫全書

錦繡萬花谷前集卷一

一日雲漢詩疏亦名銀潢謝莊月賦斜漢左界北陸南

躔亦曰銀灣出許洞詩亦曰銀浦出李賀詩

金階兩闕神異經東北大荒中有金闕高千丈上有明

月珠徑三丈光照千里中有金階兩闕名天門

出杜詩注

通明殿通明玉帝殿名常有紅雲捧之坡詩云侍臣鵠

立通明殿一朵紅雲捧玉皇

出坡詩注

耀魄寶鈞陳口中一星曰天皇大帝其神曰耀魄寶

出晉志

天文

白瑤宮凝虛殿唐李賀卒其母夢賀曰上帝近遷都丹

圃建白瑤宮召某為新宮記又作凝虛殿使某輩纂集

樂章

出宣室記

白玉樓玉華殿李賀長吉夢人駕赤虬持版召賀曰天

帝新作白玉樓請君為記賀不得已隨之遂卒

出賀本傳又

莆田人方朝散病廢三日而蘇至玉華殿道士云先生

昔有陰功帝召見白玉樓試文一首帝覽之大喜拜為

玉華侍郎有過謫墮人世不久當返

出夷堅志

欽定四庫全書

錦繡萬花谷前集卷一

黃闕白玉京黃金城王素待制嘗夢至玉京黃闕有絃

服翠冠者曰吾黃門侍郎公則西門侍郎昔已奏牘計

責于世公晚歲思玉京之夢作詩曰碧虛中藏白玉京

夢魂飛入黃金城何時再步煙霞外皓齒青童已掃聽

出古今詩話

釣天廣樂秦穆公夢至帝所觀釣天廣樂帝錫之以策

秦遂大昌

出史記

鍊石斷鰲女媧氏鍊五色石以補其闕斷鰲足以立四

極

天柱地維共工與顓頊爭為帝怒觸不周山折天柱絕

地維故天傾西北日月星辰就焉地不滿東南故百川

水潦歸焉

並出列子

閭闔離騷吾令帝閭開闔兮倚閭闔而望予司馬相如

大人賦排閭闔而入帝居

出杜詩注

三清玉清元始居之太清玉宸道君居之上清混元老

君居之

欽定四庫全書

御編萬世公前集

三

五帝東方青帝靈威仰南方赤帝赤熛怒西方白帝白

招矩北方黑帝叶光紀中央黃帝含樞紐

出孝經緯

漏天蜀有地名漏天古詩地近漏天終歲雨

出杜詩注

積氣杞國有人憂天地崩身亡所寄又有憂彼之所憂

者因往曉之曰天積氣耳亡處亡氣若屈伸呼吸終日

在天中行奈何憂崩墜乎其人曰天果積氣日月星宿

不當墜耶曉之者曰日月星宿亦積氣中之有光耀者

使墜亦不能傷其人大喜長盧子聞而笑曰夫天地空

中之一細物有中之最巨者難終難窮難測難識憂其

壞者為大遠言其不壞者亦未為是

出列子天瑞篇

欲界色界無色界三十二天欲界十天色界十八天無

色界四天初禪二禪三禪各三天四禪九天凡一十八

天皆屬色界而三禪有三天一淨居天二無淨居天三

遍淨居天無想無證衣食自至

出後山詩注

佛說三十二天欲界六天四天天王天忉利天須臾摩天

兜率陀天樂變化天他化自在天六天名為欲界

欽定四庫全書

御編萬世公前集

四

色界十二天梵眾天梵輔天大梵天三勝流名為初

禪少光天無量光天無音天此三勝流名為二禪少淨

天無量淨天徧靜天此三勝流名為三禪福生天福愛

天廣果天無想天此四勝流名為四禪無煩天無熱天

善見天善現天色究竟天是十八天獨行無交未盡形

界名為色界

無色界四天回心空處識處無所有處非想非非想處

是四空天身心滅盡定性現前名無色界

並出楞嚴經

道經說三十二天欲界黃曾天玉完天何童天平育天文舉天摩夷天凡六天為欲界也

色界越衡天濛翳天和陽天恭華天宗飄天皇笏堂耀天端靜天恭慶天極瑤天元載天孔昇天皇崖天合十二天為色界

無色界極風天孝芒天翁重天江由天阮樂天曇誓天霄度天元洞天妙成天禁上天常融天玉隆天梵度天賈奕天合是十四天為無色界

欽定四庫全書

卷一

五

周天三百六十五度經星二十八宿布於四方東方蒼

龍七宿其屬三十二星七十五度北方玄武七宿其屬

三十五星九十八度四分度之一西方白虎七宿其屬

五十一星八十度南方朱雀七宿六十四星一百一十

二度周天三百六十五度四分度之一每一度二千九

百三十二里周天積一百七萬九百一十三里徑三十

五萬六千九百七十一里

出後地志注

自地至天萬五千里晉書天文志曰日去地常八萬里

又曰地上去天八萬一千三百餘里又地理志地東西

南北相去二億三萬餘里自地至天半八極之數酉陽

雜俎云自地至天十一萬餘里按周禮以土圭之法南

戴日下萬五千里地與星辰四遊升降於三萬里之中

是以半之得地之中也潁川陽城為然此乃古之聖人

推測天地高深之法是則地至天萬五千里爾他說無

根

出學林

崖公散樂呼天為崖公

出放記

欽定四庫全書

卷一

六

天公庾亮云天公憤憤也

日

虞淵虞淵亦名虞泉日入於虞淵浴於咸池拂於扶桑

登於暘谷

出淮南子

取日虞淵洗光咸池

出唐贊

羲和羲和東方國名日所由過也每日出二國人為御

推而升太虛唐堯取以名官

出山海經

又曰有女子名曰羲

和浴日於甘泉羲和者帝俊之妻是生十日

圓羅耀方諸山真人皆呼日為圓羅耀外國人呼日為

濯羅耀出真詰

鬱華鬱華又名鬱儀鬱儀奔日之仙故曰鬱儀赤文與

日同居步錄

六螭日乘車駕以六螭六螭即六龍也出淮南子

三足鳥淮南子云日中有踰鳥踰鳥者謂三足鳥也日者陽精之宗積而成鳥

象鳥而三距陽之類其數奇出漢天文志

高春下春日出於暘谷浴於咸池拂於扶桑是謂晨明

經於隅泉是謂高春頓於連石是謂下春至于悲泉爰

欽定四庫全書

鍾嶸詩品前集卷一

息其鳥是謂懸車薄於虞泉是謂黃昏出淮南子

射九日落沃焦淮南子曰堯時十日並出草木焦枯堯

命羿仰射十日中其九鳥皆死墮羽翼堯時十日並出

堯使羿射九日落沃焦沃焦海水泄處也出山海經

又曰大荒之中

暘谷上有扶桑十日所浴九日居下枝一日居上枝皆

載鳥

三竿永明五年十一月丁亥日出三竿朱色黃色赤暈

出南齊天文志

日觀泰山東南有峯名曰日觀雞一鳴見日已出長三

大出漢官儀

熟羊腓東海有國曰骨利幹地近扶桑其國人初夜煮

羊腓方熟其日已出出西清詩話又唐書東夷日本國事亦

類此

銅鉦嶺上晴雲披絮帽樹頭初日掛銅鉦出坡

朱光杜甫詩朱光徹厚地楚詞云陽景杲其朱光

兩兒辨孔子東遊見兩小兒辨闕問其故一兒曰我以

欽定四庫全書

鍾嶸詩品前集卷一

日出時去人近而日中時遠也一兒曰日中時近也一

兒曰日初出大如車蓋及日中如盤盂此不為遠者小

而近者大乎一兒曰日初出滄滄涼涼日中如探湯此

不為近者熱而遠者涼乎孔子不能決出列子

日輪自暗中湧出有客登岱嶽絕頂行四十里以伺日

出久之星斗漸稀東望如平地天際已明其下則暗又

久之明處有山數峯如卧牛車蓋之狀星斗盡不見其

下尚暗初意日自明處出又久之自大暗中日輪湧出

正紅色騰起數十丈至明處全無光其下亦尚暗出郭氏閒

見後錄

月

結璘七聖記結璘奔月之仙故曰結璘黃文與月同居

出離點集

嫦娥羿得不死之藥於西王母其妻嫦娥竊之奔月遂

托身月中仙嫦娥羿妻也服藥得仙奔又曰水氣之精

者為月

欽定四庫全書

軒輊萬花谷前集

九

廣寒宮冬至後月養魄於廣寒宮出東方朔十洲記

山河影謂月中有物婆娑者乃山河影也其空處海水

影出淮南子

吳剛斫樹月中有桂樹高五百丈下有一人常斫之樹

隨合其人姓吳名剛西河人學仙有過謫令伐桂出酉陽書

修月戶鄭仁本表弟與一王秀才遊嵩山見一人枕一

襪物方眠即呼之其人曰君知月七寶合成乎月勢如

丸其影日鑠其凸處也常有八萬二千戶修之予即一

數因開襪有斤鑿數事玉屑飯兩裹授與二人曰分食

此雖不足長生可一生無疾出西陽雜俎又介甫詩玉斧修

成寶月團

白玉盤少時不識月呼作白玉盤出李詩暮雲收盡溢清

寒銀漢無聲轉玉盤此宵此景不長好明月明年何處

看出東坡詩

銀盤爛銀盤從海上出忽來照我茅屋東出盧全詩

金樞落霞沉綠綺殘月壞金樞出杜甫詩文選海賦大明

欽定四庫全書

軒輊萬花谷前集

十

鑪鑪於金樞之穴大明月也金樞月沒處之虛穴也

金丸浮雲捲盡浮金丸衣上白露三更寒出子由詩

金環稀星點銀礫落月墮金環出白樂天詩

蟾蜍月中有兔與蟾蜍月陰也蟾蜍陽也而與兔並明

陰係陽也五經通義乾鑿度曰月三日成魄八日成光蟾蜍

體就穴鼻始明穴決也決鼻兔也羿妻姮娥竊藥奔

月託身于月是為蟾蜍後漢天文志注

擣藥兔張衡靈憲序云月者陰宗之精積而成獸象兔

陰之類其數耦杜詩注傳玄擬天問云月中何有白兔搗

藥興福降祥

吳牛喘晉滿奮畏風在武帝坐北牕琉璃屏風實窓似

踈奮難之帝笑之奮曰臣猶吳牛見月而喘注云吳牛畏暑見月

疑是日所以喘也世說

登南樓庾亮在武昌諸佐吏乘秋月夜共登南樓亮至

諸佐吏避之亮曰少住老子於此興復不淺遂共談本傳

月桂子月桂子今江東諸處每至四五月後每於衢路

欽定四庫全書

御編萬花谷前集

十一

得之大如狸豆破之辛香古老相傳是月中下也不知

此地何獨無為當非月路耶月感之矣餘杭靈隱寺僧

云種得一株近代詩人多論述漢武洞冥記云有遠飛

鷄朝往夕還常銜桂實歸於南土所以北方無南方當

月路所以有也本唐垂拱中天台桂子落十餘日

白樂天題天竺詩宿因月桂落醉為海榴開又詩遙想

吾師行道處天台桂子落紛紛

義娥韓退之詩倚撫星象遺義娥義謂日娥謂月也

詩驟雨清秋夜金波耿玉繩天河元自白江浦向來澄

映物連珠斷綠空一鏡升杜詩注光細弦欲上影斜輪未安

微升古塞外已隱暮雲端河漢不改色闕山空自寒

天上秋期近人間月影清入河蟾不沒搗藥兔長生

四更山吐月殘夜水明樓座匣元開鏡風簾自上鈎兔

應疑鶴髮蟾亦戀貂裘不遑銀漢落亦伴玉繩底

玉露團清影銀河沒半輪此時瞻白兔直欲數秋毫

委波金不定照席綺逾依並杜詩憶昨新月生西簷若瓊

欽定四庫全書

御編萬花谷前集

十三

鈎今來何所似破鏡懸清秋李落照西山夜色浮彎彎

寒掛碧雲頭寶奩新樣橫眉黛珠箔斜懸半額鈎丹桂

一枝初淺露金波千里未圓流嬋娟三五纔成魄散滿

清光四百州周祖開一更山吐月玉塔卧微瀾正似西湖

上湧金門外看冰輪橫海澗香霧入樓寒五更山吐

月牕迴室幽幽玉鈎還掛戶江練却明樓星河淡清曉

鼓角冷知秋新月如佳人出海初弄色娟娟到湖上

漱漱搖空碧皎如飛鏡臨丹闕綠煙滅盡清輝發並東

坡失寵故姬歸院晚沒番老將上樓時 三五夜中新

月色二千里外故人心樂天山下白雲橫匹素水中明月

卧浮圖 明月未出羣山高瑞光千丈生白毫一杯未

盡銀闕湧亂雲脫壞如崩濤誰為天公洗眸子應費明

河千斛水 鎔銀百頃圓掛鏡千尋缺並東坡銅壺滴滴

禁漏起三十六宮爭捲簾杜光庭回首半天雲破夜一眉

新月破黃昏李若山波使不來江練靜月娥常在夜珠寒

致輪中如有物光外更無空胡分月影碎荆玉波光緯蜀

欽定四庫全書

羅李沙岸金籠樹燈汀玉湧濤舒豐風應落桂子露恐滴

金波蘇子美池上與橋邊難忘復可憐簾開最明夜簾捲

已涼天流處水花急吐時雲葉鮮姮娥無粉黛只是逞

嬋娟李商隱

星

五星聚東井漢王入關五星聚東井秦分也此高祖受

命之符前本紀

辨五星聚井崔浩集術士考校漢元以來日月五星行

度以示高允允曰金水二星常附日而行冬十月高帝

入關時日且在尾箕昏沒于申東井方出於寅此二星

何因背日而行史官欲神其事後歲餘浩謂允曰果如

君言以前三月聚於東井在二世末年非漢十月也高允

傳又青箱記漢十月五星聚東井金水常附日不遠十月

日在箕尾此崔浩所以疑其妄以余度之十月為正乃

今之八月爾八月而得七月節則日猶在翼軫間則金

水聚於井亦不甚遠浩之說未足信也志林

欽定四庫全書

四星聚東井晉義熙九年歲鎮熒惑太白聚東井後宋

武平關中南史紀

四星聚觜參元魏普大元年十月歲星熒惑鎮星太白

聚於觜參太史占曰當有王者興後高歡興齊北史

二使星入蜀後漢李郃知星夜見有二使星入蜀分野

果有二客入驛郃問從京師來乎曰然曾聞遣使入蜀

乎二客問故相視失色郃傳

客星犯帝座嚴光與光武有舊入謁帝與同宿半夜光

足加帝腹明旦太史奏客星犯帝座甚急帝笑曰朕故人嚴子陵也

隱逸傳

五星聚奎藝祖啟國之月五星聚於奎遷以土為主

德星聚後漢陳仲弓從諸子造荀李和其夜德星聚明旦太史奏五百里內有賢人會

五星伏周分景德四年司天監奏今年丁未六月二十

五日五星當聚周分臣推尋得五星自閏五月二十五

日近太陽甘氏星經曰五星近太陽若伏而不見即臣

欽定四庫全書

神機萬花谷前集卷一

十五

遊於其君恐今夜五星皆伏真宗御禁臺候之果伏不

見大赦天下

湘山野錄

后妃星失明符堅以弟融為冀州牧將發祖於灞上堅

母苟氏以融少子比發三至灞上其夕入竊如融所內

外莫知是夜堅寢前殿太史言天市南門屏內后妃星

失明左右闔寺不見后妃移動之象堅推問知之驚曰

天道不遠

載記

熒惑在匏瓜星中姚興死之前歲魏太史奏熒惑在匏

瓜星中一夜忽然不知所在帝乃召諸儒與史官求其所詣崔浩對曰請以日辰推之庚午之夕辛未之朝天

有陰雲熒惑之亡當在此二日之內庚與午皆主秦辛

為西夷今姚興據咸陽是熒惑入秦矣諸人皆曰天上

失星人安能知浩笑而不應後八十餘日熒惑果出東

井留守盤旋秦中大旱明年姚興死三年國滅

浩傳

太白竊織女侍兒秦併六國太白星竊織女侍兒梁玉

清衛承莊逃入衙城小仙洞四十六日不出天帝怒命

欽定四庫全書

神機萬花谷前集卷一

十六

五岳搜捕太白歸位衛承莊逃焉玉清有子名子休玉

清謫於北斗下當春其子配與河伯行雨子休每至小

仙洞耻其母淫奔之所輒回馭不經故此地常少雨

出獨

異志

萬物之精說文云萬物之精上為列星

北斗春秋運斗樞曰北斗七星第一天樞第二璇第三

機第四權第五衡第六開陽第七搖光第一至四為魁

第五至七為標標合為斗居陰布陽故稱北

景星景星者大星也狀如半月生於晦朔助月為明王者不敢私人則見

老人星王者承天則老人星臨其國

並孫氏瑞應圖

井中視星尸子曰自井中視星所見不過數星自丘上以望則見始出也非明益也勢使然也私心井中也公心丘上也

東方朔為歲星東方朔楚人也後賣藥五湖知其歲星

馬列仙傳

欽定四庫全書

緯編萬花公前集卷一

十七

銀礫稀星點銀礫落月墮金環

白樂天詩

白榆天上何所有歷歷種白榆

文選

雨

十雨太平之時五日一風十日一雨京房易候詩十雨

初晴太液春

三十六雨春秋說題云一歲三十六雨天地之氣宣十

日不雨應天文也十五日大雨以斗運也 又京房易

候十日一雨歲凡三十六雨時若之應

不破塊周公之時風不鳴條雨不破塊旬日一雨雨必

至夜

論鑑錄

上薄為雨董仲舒曰陰陽氣上薄為雨下薄為霧風其噫也雲其氣也雷其相搏之聲也電其相擊之光也雨乘虛而墜風多則合速故雨大而疎風少則合遲故雨細而密太平之世風不鳴條雨不破塊雷不驚人電不

眩目雪不封條此聖人在上陰陽和也鮑敬言曰雨既

陰陽相薄四月純陽十月純陰無二氣相薄則不雨乎

欽定四庫全書

緯編萬花公前集卷一

十六

仲舒曰純陽用事未夏至一日是純陰用事未冬至一

日是敵曰其不雨乎曰然有則妖也

西京雜記

雨隊徐州王忠政死十二日却蘇語云見一人引臂曰

天召汝行雨左落千隊右落千隊各五方色甲馬一般

小項瓶中貯人間水一般如馬牙消謂之乾雨雨隊在

前風車在後

西陽雜俎

雨工柳毅見涇川婦人牧羊問何物曰非羊也雨工也

雷霆之類也

異聞錄

黑猪渡河夜半天漢中有黑氣相逐俗謂之黑猪渡河雨候也

玉女披衣萍鄉西津有玉女岡天當雨石間先湧五色

雲俗謂之玉女披衣

志異

審雨堂盧汾夢入蟻穴見堂宇題其名曰審雨堂

搜神記

商羊舞家語載童謠云天將大雨商羊鼓舞

商羊一足鳥也

理禁伯張元賓得仙入華陽洞為理禁伯其職主水蓋

雨官也

真語

欽定四庫全書

御批詩話卷一

御史雨顏真卿為監察御史五原有冤獄天且旱真卿

辨獄而雨郡人呼為御史雨

本傳

隨車雨漢百里嵩為徐州刺史境內旱嵩行部車所經

甘雨輒降

不苦不愁唐段文昌帥荊州或旱禱解必雨或久雨遇

出遊必霽民為之語曰旱不苦禱而雨雨不愁公出遊

本傳

甲子雨俚諺曰春甲子雨乘舟入市夏甲子雨赤地干

里秋甲子雨禾頭生耳冬甲子雨牛羊災死

荆楚歲時記

社翁雨幾點社翁雨一番花信風

山谷詩

豆花雨里俗以八月雨為豆花雨

荆楚歲時記

迎送梅雨三月雨謂之迎梅五月雨謂之送梅

坡詩注

月額雨謂旦日雨為月額雨

金陵子

凍雨流膠楚詞凍雨兮洒塵

江東呼夏日暴雨為凍雨非凝凍也杜甫詩凍雨落

流膠音來

銀竹白雨映寒山森森似銀竹

李白詩

欽定四庫全書

御批詩話卷一

海立杜少陵文九天之雲下垂四海之水皆立坡詩天

外黑風吹海立浙東飛雨過江來

西清詩話

雨絲文選密雨如散絲又僧楚巒詩雨絲斜織麴塵煙

錢昭度詩酒樓人散雨千絲

兩拳王禹錫賀知縣春雨詩打葉雨拳隨手重吹涼風

口逐人來東坡云作詩如此不入規矩

王直方詩話

夜雨夜雨滴空堦滴空堦裏空堦滴不入滴入愁人

耳

何遜詩

曉燈暗離室夜雨滴空堦

閔雨穀梁傳僖公三年夏四月不雨

一時言不雨者閔雨也閔雨者有志

於民也
閔憂也

赤松子為雨師列仙傳曰赤松子者神農時雨師也

李靖行雨李靖微時嘗夜投宿一巨宅有老婦延之中

夜扣門甚急婦變色曰吾龍也二子俱出天命行雨欲

煩一行乃出一小瓶子繫於鞍前戒曰馬躍嘶鳴取瓶

中水一滴滴馬駿上謹勿多也既而雷掣雲間見所憩

村乃連下十滴既歸老婦曰一滴水乃地上三尺此村

欽定四庫全書

歸藏卷之六

三

半夜水深三文

記

梁玉清逃處少雨事見星門太白竊織女侍兒下

壁掛龍骨龍骨謂水車介甫詩龍骨長乾掛梁栢山

谷詩壁掛蒼龍骨溜渠故濺濺

祈雨

五龍祈雨法真宗咸平間知揚州魏羽上書祀五龍祈

雨法詔攷諸路其法以甲乙日擇東地作壇取土造青

龍土器之大小龍之修短餘方皆如之凡旱建壇取五

行生成之數焉長吏齋三日詣龍所汲流水設香茗果

率羣官日再至祝酹不用樂巫覡雨足送龍水

畫天龜龜擇潭洞或湫漈林木深邃之所以庚辛壬癸

日先齋戒以酒脯告社令築方壇三級高一尺濶一丈

三尺壇外二十步介白繩壇上植竹杖張畫龍其圖以

纁素畫黑魚左顧環以天龜十星中為白龍吐雲黑色

其下畫水波有龜亦左顧吐黑氣如線和金銀朱丹飾

龍形又設帛幡刻鸞頸取血致盤中楊枝洒水龍上羣

欽定四庫全書

歸藏卷之六

三

官再至祝雨足取龍投水中

並本朝事實

五蝦蟇董仲舒云旱則取五蝦蟇置之社中池方八尺

深一尺木蝦蟇焉春則池方七尺夏方五尺秋方九尺

冬則如春皆具酒脯陳告

後漢禮儀志

蛇醫王彥威在汴州夏旱時李玘因宴王以旱為言李

醉曰欲雨甚易耳可求蛇醫四頭水十石甕二枚每甕

實以水浮二蛇醫以木蓋密泥之分置開處甕前後設

席燒香選小兒十歲以下十餘令執小青竹晝夜更擊